

Kajian universiti perlu diperluas

AHAD.
19 OKT 2008

Sultan Selangor mahu UPM tangani isu global

Oleh Basir Zahrom
basir@bharian.com.my

SERDANG: Sultan Selangor, Sultan Sharafuddin Idris Shah meminati pihak universiti mendampingi masyarakat serta berkongsi kekayaan ilmiah melalui kajian yang dijalankan dan menggandakan usaha proaktif dalam menangani permasalahan yang berlaku sekarang.

Baginda yang juga Canselor Universiti Putra Malaysia (UPM), bertitah isu seperti pemanasan global, krisis makanan, kesan kenaikan harga minyak, perubahan cuaca, kegawatan ekonomi, masalah sosial, kekeliruan politik dan masalah perpaduan perlu ditangani dengan matang dan penuh dengan nilai intelektual.

Baginda bertitah, pihak universiti perlu segera mencari penyelesaian untuk membawa masyarakat keluar dari kegusaran misalnya seperti kenaikan harga minyak yang boleh diselesai-

kan jika kajian terhadap penghasilan biofuel dan biodiesel dipertingkatkan serta diberi perhatian serius.

"Beta ingin melihat sumbangan universiti terutama UPM mampu memberi kesan kepada masyarakat global dan relevan dengan agenda pembangunan negara seperti pembangunan produk halal.

"Penubuhan Institut Penyelidikan Produk Halal UPM juga dilihat dapat memberi sumbangan besar bagi menjadikan Malaysia sebagai Hab Halal bertaraf dunia.

"Beta berharap eksploitasi terhadap kajian yang dijalankan

kan universiti ini akan dapat membantu masyarakat seterusnya dijadikan agenda penting dalam fungsi UPM," titah baginda pada majlis Konvokesyen UPM Ke-32, di sini, semalam.

Pada majlis sama, baginda berkenan menganugerahkan Ijazah Kehormat Doktor Ekonomi kepada Setiausaha Agung Asean, Dr Surin Pitsuwan berdasarkan sumbangannya sebagai negarawan tersohor di Asean.

Turut menerima ijazah ialah Menteri di Jabatan Perdana Menteri, Datuk Seri Dr Ahmad Zahid Hamidi yang dianugerahkan Ijazah Doktor Falsafah bidang Komunikasi Kemanusiaan pada sesi pertama majlis konvokesyen itu.

Pada konvokesyen kali ini, Hadiah Pingat Emas Canselor UPM dianugerahkan kepada graduan Ijazah Sarjana Muda Pendidikan, Aini Marina Ma'rof. Keseluruhan 7,846 graduan menerima diploma dan ijazah pada konvokesyen selama lima hari.

“Beta berharap eksploitasi terhadap kajian dijalankan universiti ini akan dapat membantu masyarakat”

**Sultan Sharafuddin
Idris Shah**
Canselor UPM



SULTAN Sharafuddin Idris Shah menyampaikan anugerah Ijazah Doktor Falsafah bidang Komunikasi Keumanusiaan kepada Zahid pada sesi pertama majlis konvokesyen UPM, semalam.